

10  
5<sup>3</sup>

館書圖京東				
冊	號	函	類	門

近世禪林僧寶傳 中


№2599/23

近世禪林僧寶傳卷之中

退耕菴主獨園撰

龍潭寺行應和尚傳

師諱玄節。字行應。稱棲神叟。煨芋子。豫州西字和郡。矢野庄大島人。井上氏。寶曆六年丙子三月廿一日。生甫十歲。投穴井。福高鶴首座學修。出世門者二年。餘。以河之石龍潭田翁和尚。即為鶴首座。受業師。因往禮翁。遂祝髮。十八歲。挂錫于豐後錦江。參團海和尚。時同火兩三輩耳。師意誓曰。我在于此間。扣鐘其



艸之役不敢勞他人乃孜孜執役未嘗一日而懈海深感其精勤云十九歲抵豐前中津自性參提洲和尚無幾洲遷化海門恪繼洲揚化師又侍之常參隻手話刻苦精進至或忘寢食門令師主副寺察辭不受請暫借近庵接心門許之庵後有一長松師高懸繩爲吊座日夜坐其上欲睡則以手搖樹警覺昏神一夜聞自性朝課鐘聲豁然徹見隻手旨不堪歡喜將走呈所見而門未開閫外躊躇之際不覺打一偈有竹樹林間一草廬金剛由來同大虛遺失之句安永八年冬東福有開山五百年遠忌師往掛包參天

猊和尚制終復還中津主副寺者六年一日有事抵知客寮時一僧閱唐詩見師來倉皇掩卷面有愧色其見人畏敬大抵如此廿八歲將東見峩山和尚先抵甲府謁快巖和尚門庭孤危峭峻無人隨得者一日入室巖問柏樹子話有賊機汝作麼生會師下語不契退入薪廠坐到翌巳時打徹時巖從村齋歸來師直入呈所見巖微笑領居一年辭去見峩山和尚手段辛辣不易順受從前所得底總用不着師於是大發憤辛修苦鍊者十二年卒盡其蘊奧山書寶鏡三昧重離六爻以爲印記寬政六年董潭轉位於本

嶠第一座。九年秋。丹之敦豐之誠等來參。冬講禪門寶訓。衆二百人。享和元年。師年四十五。時宇和島等覺虛席。太守欲迎師令往。固辭不起。三乞四請。不能辭。明年二月。視篆等覺。三年春。講禪關策進。雲衲四百六十人。從。是應請於諸方者。不遑枚舉。常隨。緇侶或六十或七十。實極叢林一時之盛焉。佛誕生偈曰。熟處難忘歸來日。無端逢此不肖兒。雲門一棒非嚴令。天地指頭瞞。四維達磨忌曰。達磨西來乾屎橛。指人見性破沙盆。山僧活計只這是。折脚鐺中野菜根。首一。今古商量難奈何。廓然無聖轉諸訛。吾儂不識少

林事。煨芋飽餐。瞌睡多。首二。誰謂西歸絕消息。庭前柏樹鬱森森。江村不改分衛路。帶雨往來鐵作心。首三。佛成道曰。搥拙爐邊養舊病。草鞋芋栗裏袈裟。平生勃窣得人笑。殊勝須還老釋迦。佛涅槃曰。破蒲團上思無邪。這裡那論佛與魔。擲示雙趺還是錯。耳邊啼鳥眼中花。首一。柳暗花明古佛心。滿般好景入吟心。涅槃一會果然錯。贏得波旬歡喜心。首二。觸目風光涅槃相。春寒惻惻入圓袍。信施一粒重多少。聞道廬陵米價高。首三。天保二年冬十一月十一日辰時。頭腦癩痛少焉。愈劇。十九日衰病益篤。應對如平日。至廿日寅刻。

高卧安眠。泊然而化。世壽七十六。坐夏六十五。葬全身於龍潭東隅。教謚心鑑慈照禪師。

總見寺卓洲和尚傳

師諱胡僊。卓洲其字。尾州海西郡津嶋鄉人。鈴木氏。師天資聰敏。夙志出家。年十五。從其父至名古屋。拜總見寺祥鳳和尚。剃染受戒。祥鳳愛其俊逸。恒令侍左右。是時法叔良哉寓居陽岳。每與師相見。稍加提誨。然師猶邈然無所入。十九歲。始遊四方。良哉送行。曰。僊也。氣爲稟。踐真思不群。責吾需有語。送汝又何言。脚下唯存道。行餘宜學文。師拜謝而去。遂掛搭於

濃州谷口汾陽寺。事快岳和尚。快岳提唱臨濟錄。已畢。師與信州願王甲州喝門爲伴。與俱登高野山。又入京師。見靈源和尚於等持院。明年。良哉在丹波漆谷清泰寺。設大慧書會。又結制於但馬木崎極樂寺。師過。見良哉。還至名古屋。因問白林寺月鑑和尚曰。方今誰可師事者。月鑑曰。從關東峨山和尚參決可也。師乃東游。路過駿府。會菩提樹院設大會。因就見遂翁和尚。遂踰關。見峨山。隨侍之。於永田寶林寺。峨山示以趙州無字。師日夜參究。久之。無所得。以爲吾居侍者寮。常苦多事。若得閑居獨處。專一究明。寧無

得透過乎。乃入請峨山。峨山曰。汝果得透過。吾聽汝得庵居。不然止在我左右可也。師曰。師幸賜少暇。小子必得透過。峨山曰。果然與汝以九旬之暇。師乃退居一室。孜孜矻矻。至忘寢食。頃之乍得見無字蘊底。入告。峨山以爲可。於是復入爲侍者。峨山曰。柏樹子話有賊之機。於汝作麼生。師無以對。已而數呈所見。未有契也。歷三年。始得會賊機。自是一切話頭及難透難解。十重禁洞山五位臨濟四料簡等則皆得透過無疑。至首山綱宗偈。別得發格外玄機。師比圓啓行。應年稍少。猶相與切磋。無違忤。峨山已老。體氣漸

衰。有參問者。輒言且去。與僊公法話可也。師爲侍者。前後十四年。潛行密修。人莫得而測。雖香林之於雲門。雪堂之於佛眼。亦未有過是也。寬政八年二月。入居總見。不復以寺務嬰意。獨以修道爲己任。於是緇素翕然趨化。聲馳四方。尾侯太夫人聖聰院。屢遣使問心要。師加激勵。頃之太夫人遂得聞隻手音。其投機和歌曰。驛會娜縷耶。禹挹奴奇努。妥農丕靡稀兒。亭伽訖典濃。胡惠遠。伊麻綺機仁。希梨以視師。師以爲可。爾後太夫人修禪益勤。凡古人公案。往往以和歌述意。乃至萃嚴四法界等。皆有歌詠。無幾捐館。於

是平生玩好。禪板蒲團。如意拂子。机案華瓶。香爐及經卷數部。皆入總見。相傳以爲法門之榮。桑名松平侯在東都。屢扣峨山室。峨山曰。君侯就國。參總見。卓州長老可也。已而侯就國。從近侍三五人。棹小舟。至于堀川。就總見。參請。如是者數矣。文化十年。癸酉。師年五十四。以參州三玄寺爲拍庭和尚道場。衆與謀。請師設碧巖錄會。於是始開法筵。盛唱峨山宗旨。是歲十月奉詔出世花園。賜紫。十二年乙亥春。又應久久里東禪寺請。提唱臨濟錄。七月尾。侯賜書褒賞。并賜白金三錠。書曰。卓洲和尚。通宗門之學。矩法整

嚴。寺務無怠。實一宗眼目。法門盛事。莫過焉。十四年丁丑夏。設碧巖錄會。行應和尚自豫州率輪下雲衲而至。此會凡侍講者三百餘人。文政三年庚辰秋。夏造總見僧堂。十一月晦。安單。明年辛巳夏。應濃州普濟寺請。講闡提記聞。其開卷偈曰。叵耐天台窮乞者。鬪貪三隱結讎冤。如何六耳同謀去。倒語顛言煩後昆。其翌年壬午春。應瑠璃光寺請。提唱臨濟錄。開筵示衆偈曰。鉗鎚衲子三玄要。陶鑄仙陀四賓主。盡乾坤渾沒青眸。白眼禪流多莽鹵。是歲三月。嗣法弟子全明轉位花園。至夏。師又應遠州東光寺請。提唱虛

堂錄。開題偈曰。皎潔鄞江一輪月。輝騰富岳萬尋岑。息耕殊有重關鎖。惑亂兒孫直到今。癸未春。應濃州真光寺虛堂頌古會請。秋。應上有知清泰寺。大慧書會請。雪關顧鑑崇林三尊宿隨喜。會衆三百餘。開筵示衆曰。嗅土吹沙。罵天衲僧。到此絕多技。忍舉梅陽雜毒禪。大蟲無尾。又無齒。丙戌春。應濃州寶珠菴大慧武庫會請。夏。應信州飯田長久寺碧巖錄會請。示衆曰。乳竇萬尋誰進步。纔舉嶮處轉難難。分明說着。三三九。眼裡瞳人毛骨寒。修長久開山雪岫和尚。三百年忌。拈香曰。昨夜夢中雪作堆。山河大地絕纖

埃。今朝寒殺一堂衆。商略分明三百回。秋。應大雄寺碧巖錄會。玉川寺碧巖錄會請。丁亥閏六月八日。尾侯再賜褒章曰。總見寺卓洲和尚。博學高德。四方雲衲。歸依渴仰。不啻法門盛事。於國有光。因賜綾紗貳端。秋。應駿州蓮光寺臨濟錄會。相州山田了義寺請。巳丑師年七十。徒弟祝其眉壽。庚寅春。應濃州少林寺大慧武庫會請。尋赴席溪山永保寺請。修開山佛德禪師五百年忌。拈香偈曰。無齒大蟲誰敢敵。衝天意氣滅宗猷。春。回虎岳開榛地。萬世流芳五百周。夏。應三州天恩寺槐安國語會請。秋。應作手甘泉寺槐



安國語會請。示衆曰。四七二三諸祖師。龜毛拂上。翻筋斗。潦倒寶山老古錘。憐兒不覺揚家醜。天保二年辛卯夏六月二日。當開基大相國織田信長公。二百五十年遠忌。因結聖制。師不辯老軀力。評唱虛堂錄。以爲法供養。四海衲子雲集。堂單無容。假結草舍。曰霞谷。曰雙株。曰瑞芝。闔衆凡五百餘。五月八日。尾侯爲之。賜米百石。金百兩。供養大衆。師當日拈香曰。凜凜威風震天下。挾王行霸撫黎民。只今誰報洪恩底。二百五十遠忌辰。恭惟總見寺殿贈一品大相國泰岳大居士。勇悍驚衆智計絕人。或時鸞鳥號一張弓。

摧敵戡亂。或時按龍泉三尺劍。伏鬼降神。丈夫自有衝天氣。將軍塞外絕烟塵。只看者裏自受用。他受用。大鵬展翼。左轉處右轉處。獅子翻身。大自在絕比倫。如上短言長語者。廼泰岳大居士。折旋于顯底。俯仰于幽底之草索子也。卽今真法供養端的如何指揮。舉辨香。曰。泰山六月炎天雪。寒殺扶桑國裡人。冬應請于大高長壽寺。提唱虛堂錄。始自臘朔。終于解制。行應和尚訃到。師悼之已甚。尋有嗣子寰海和尚。貌其真。馳使乞師贊辭。師贊曰。出龍潭流浴武溪水。起廢龍華。盡善盡美。施化紫金。咬牙嚼齒。行藏卷舒。與

時流止。道高古今。名重遐邇。行蹟難測。我門城壘。咄咄。咄咄。他是阿誰。心鑑慈照。老大禪師。更有僧繇。難貌取。一鈎新月照清池。遠州普門橫湫和尚。請師贊曰。雲抱幽石。月照清池。凜然風采。何處求姿。強名貌去。渾沌畫眉。壬辰夏四月廿四日。師退。總見居東林。養老閑適。尾侯賜縮緬貳端。以旌高德。秋冬之交。不豫。然接衆不怠。及臘月。疾病。一衆痛心疾首。及開春。稍快。曳杖涉園。然氣力稍衰。終不起。淡然坐化。時天保四年癸巳八月廿八日也。春秋七十四。法臘六十。葬全身於陽山列祖之次。塔曰聖壽。嗣師法者。精洲。

一人。繼住。總見其法弟胡雄住遠之貞永。號雪洲。玄都住濃之西明。號蕙應。慧讓住東都松源。號昌山。凡緇素之洽。師化者。不可勝數矣。妙喜贊曰。古曰善攻者。攻於九天之上。善守者。守於九地之下。宗師家亦然。運籌帷幄之中。決勝千里之外。是以揚眉瞬目。據坐良久。速於棒喝。交馳電轉。星飛若夫。不動干戈。坐鎮家堂。眼卓朔耳。卓朔領下白髭。垂垂蓋膽者。只有吾卓洲老人耳。天保四年十月廿二日。賜謚號。敕曰。自性天真。國師之遠孫。卓洲和尚。嶽降精神。天生人傑。敞室於退耕。密脩寶鏡。三昧續燈。於明應。高提錫。

斧之千鈞。可謂禪林望標。堪稱苦海慈舟。鼓沒弦琴。激揚龍泉。宗河吹無孔笛。振起柏庭門風。眉間寶劍。截斷先佛命脈。肘後靈符。換却後昆眼睛。淑德宏潤。緇利芳譽。總聞丹墀。謚曰大道圓鑑禪師。

圓覺寺誠拙和尚傳

師諱周樛。誠拙其號。豫州宇和島高串村人。夙齡神思高遠。超出凡兒。受業其鄉佛海寺靈印禪師。年十三時。一日。宇和島侯入寺。召師命植背。久之不令休。師憤其苦使。痛打一拳。蒼黃走去。不知所之。靈印以為憂。使人索之不得。侯素明達仁恕。甚重師。偉器。命

補闕  
師欲參月船上永  
田山乞掛搭不許  
門宿亦不許時雨  
師蒙雨衣下山直  
入地藏堂。踞石北  
藏頭而眠。月船自  
外歸。一見此。師大  
器許。歸後。馳。許  
我宿。自尔竟掛搭。

補闕

文化十三年師年  
七十一。奉台旨。視  
篆。圓覺。此日。天龍  
閣。眾相議。贈金襴  
僧伽梨。其制。依。慶  
憲。國師。本寺。落慶  
之時。朝賜法衣。摸  
樣也。增上典海大  
僧。正。意。欽。德。風。請  
佛牙舍利于城中。  
大將軍及御臺夫  
人諸姬侯伯等。羅  
拜。恭。敬。焉。藥。翁。白。

靈印厚撫之。師遂往從。月船。刻苦精進。盡究蘊奧。又參。峩山。數歲。常與行應。隱山。同居。互相切磋。嘗與行應。商量此事。語及古則。行應以為鑿空多。疎漏。以問。峩山。峩山曰。非汝所及也。師氣宇宏豁。不屑小節。守。圓覺。僧堂。單獨十年。遂視篆于圓覺。圓覺本寺久委。廢頽。師乃興百廢。大開爐鞴。鉗鎚。衲子。清陰淡海。東。海。巨海。泊船。拙菴。咸出其鎚下。年老入京。卓錫於天。龍相國。二刹。亦振起。二刹僧堂。享和六年。當足利相。國。鹿苑公四百年遠忌。師在相國。結冬制。提唱。夢窓。錄。雲衲來集者百餘人。文政三年。相國僧堂成。師開。

川疾為執政日巡見鐵舍次詣圓覺寺入門先見般若水標柱問曰因何曰般若水師云即今藥之談般若相公却問否公不會笑過次到僧堂前見坐禪牌問曰是何義耶師云相公縱令雖着鐵鞋一日而巡天下米這箇坐禪未能辨知也疾賞數焉

單提唱碧巖錄。眾徒亦百餘人。是歲四月。罹疾漸篤。六月廿七日。書遺偈曰。時來人未來。興來人將行。閻魔大王令嚴明。日打為君相。行至二十八日。泊然而化。葬于心華院後園。托僧堂於武梁芝公。初谷松宗潮。西京一奇士也。其在江門。嘗謁雲州不昧侯。侯曰。寡人今日約誠拙和尚來修茶禮。卿亦陪筵可也。宗潮曰。臣將遊吉原妓樓。不能陪筵也。遂去。師後在玉龍疾篤。宗潮攜羊糕一包來問疾。師舉首瞑目。謂宗潮曰。汝往在雲州侯所言不能與我遊。余以汝為高雅膽大者。今何面目復來問余疾。宗潮逡巡曰。和尚

真可畏也。長州山口常榮寺性堂和尚以為臨濟錄有法身即不說法之語。改不字作亦字。於義為穩。遂作誓說曰。既曰法身。即不說法。此常然語不免判真如斥收。師見之。為著正法眼。論駁甚勤。性堂聞之。使妙峯來辯。師擲煙管曰。虛空作麼生解說法聽法。妙峯不能對。慙懼而去。正法眼藏在心華院。學者可覆視也。心華亦以師中興焉。

曹源寺太元和尙傳

師諱孫元。字太元。號無學。又號五斗室。備中賀陽郡穴粟村人。平田氏。父名房。近世為邑名族。師年十三。

川疾為執政日巡見鎌倉次詣圓覺寺入門先見解若水標柱問曰因何曰解若水師云即今寒之談解若相公却聞否公不會笑過次到僧堂前見坐禪師問曰是何義耶師云相公縱令雖着鐵鞋一日而巡天下來這箇坐禪未能辨知也疾賞數焉

單提唱碧巖錄。眾徒亦百餘人。是歲四月。罹疾漸篤。六月廿七日。書遺偈曰。時來人未來。與來人將行。閻魔大王令嚴。明日打為君相行。至二十八日。泊然而化。葬于心華院後園。托僧堂於武梁芝公。初谷松宗潮。西京一奇士也。其在江門。嘗謁雲州不昧侯。侯曰。寡人今日約誠拙和尚來修茶禮。卿亦陪筵可也。宗潮曰。臣將遊吉原妓樓。不能陪筵也。遂去。師後在玉龍疾篤。宗潮攜羊糕一包來問疾。師舉首瞋目。謂宗潮曰。汝往在雲州侯所言不能與我遊。余以汝為高雅。瞻大者。今何面目復來問余疾。宗潮遂巡曰。和尚

真可畏也。長州山口常榮寺性堂和尚以為臨濟錄有法身即不說法之語。改不字作亦字。於義為穩。遂作誓說曰。既曰法身。即不說法。此常然語不免判真如斥收。師見之。為著正法眼。論駁甚勤。性堂聞之。使妙峯來辯。師擲煙管曰。虛空作麼生解說法聽法。妙峯不能對。慙懼而去。正法眼藏在心華院。學者可覆視也。心華亦以師中興焉。

穴小穴設

寸太元和尙傳

自謂子元守太元。號無學。又號五斗室。備中賀陽郡穴栗村人。平田氏。父名房。近世為邑名族。師年十三。

川疾為執政日巡見鎌倉次詣圓覺寺入門先見般若水標柱問曰因何曰般若水師云即今藥之談般若相公却聞否公不會笑過次到僧堂前見坐禪牌問曰是何義耶師云相公縱令雖着鉄鞋一日而巡天下來這箇坐禪未能辨知也疾賞數焉

單提唱碧巖錄。眾徒亦百餘人。是歲四月。罹疾漸篤。六月廿七日。書遺偈曰。時來人未來。興來人將行。閻魔大王令嚴。明日打為君相行。至二十八日。泊然而化。葬于心華院後園。托僧堂於武梁芝公。初谷松宗潮。西京一奇士也。其在江門。嘗謁雲州不昧侯。侯曰。寡人今日約誠拙和尚來修茶禮。卿亦陪筵可也。宗潮曰。臣將遊吉原妓樓。不能陪筵也。遂去。師後在玉龍疾篤。宗潮攜羊糕一包來問疾。師舉首瞋目。謂宗潮曰。汝往在雲州侯所言不能與我遊。余以汝為高雅膽大者。今何面目復來問余疾。宗潮逡巡曰。和尚

真可畏也。長州山口常榮寺性堂和尚以為臨濟錄有法身即不說法之語。改不字作亦字。於義為穩。遂作警說曰。既曰法身。即不說法。此常然語。不免判真如斥收。師見之。為著正法眼。論駁甚勤。性堂聞之。使妙峯來辯。師擲煙管曰。虚空作麼生解說法。聽法妙峯不能對。慙懼而去。正法眼藏在心華院。學者可覆視也。心華亦以師中興焉。

曹源寺太元和尚傳

師諱孜元。字太元。號無學。又號五斗室。備中賀陽郡穴栗村人。平田氏。父名房。近世為邑名族。師年十三。

入備前曹源寺。得度受戒。志氣英邁。每旦夙興課誦。夜將睡。輒引針刺股自警。二十一歲。見豐後春澤和尚。從修文字學。已而聞濃州隱山和尚道學兼備。且通春秋左氏傳。往乞參禪。且講左氏。隱山曰。汝能得聞吾隻手音。吾乃爲汝講左氏耳。師於是發憤究明。凝然純一。有時入浴桶打坐。又攀屋後山巖石上。跏趺不覺徹曉。隱山在梅泉。師庵居距梅泉十里許。然日往參請。冬月雨雪深。或至丈餘。師猶奔走道途。往往凍餓仆地。村人救之。就爐火取暖。久之得復常。如此者屢矣。當時緇林相傳爲奇特。他日名聲藉甚。能

擴張偉業者。良有以也。已而隱山移居深瀨村堅相寺。師亦從徙焉。居常參叩。日詣閭奧。三十歲陞爲法山第一座。復入濃州參隱山。備受毒辣。一夕棒下大悟。三十四歲入住曹源。曹源爲備侯香花院。侯諱顯國。亦英偉主也。愛師性豪邁。禮待甚篤。嘗袖短銃。急召師。師至。輒就其耳邊放銃。師微笑。略不嬰意。已而師亦驟就侯耳邊大喝。侯則驚悸失色。頃之。師法席日盛。衲侶麇集。乃爲修僧堂。號曰大活。隱山應聘。結制於因州大隣寺。師亦從輔化。隱山東歸。留居曹源者數日。作長篇一首。與師爲證。曰。有大道人到此間。

魔王眼目夜叉顏。高談雄辯堂中震。凜凜孤風誰得攀。時拾田螺登絕嶺。又求火種入深灣。脫空歌罷無人和。自和自歌恣痴頑。水月道場清淨刹。空華万行凡塵寰。眉目相結經旬日。忽報明朝歸故山。君不見。瞎驢半夏辭黃蘗。三頓棒頭不等閑。臨別慇懃相勸。生平受用此牢關。師又參豫州行應者再。行應亦極稱師蔭涼。師將辭去。行應曰。吾無一物贈子。乞以是爲贖。舉火箸夾熾炭。吹而與之。師不能受。遽起入一室。究明者七日。復入。辭行應。又舉炭如初。師已領其意。行應乃休。當時相傳以爲美談。蓋修禪者師資。

宜如此。要不可不子細也。四十七歲。是夏。濃州諸邑大水。瑞徵僧堂乏食。衆僧皆來歸師。輪下請提唱碧巖錄。師爲闡法筵。蓋來會者千餘指。自是衲侶益進。大活之堂不能容衆。更設栗棘叢安衆。衆常不下百餘人。五十九歲。又設大法會。毘侶全集。至三千餘指。六十一歲。特詔使視篆法山。勅使臨筵。師詣闕謝恩。師雖住巨刹。不喜奢侈。常守枯淡。每食與衆僧同味。老而無變。六十六歲。令參學上首儀山來公嗣席。已而師抱沈痾。猶力病提誨。及疾益篤。乃始使儀山代接衆。六十九歲。是秋八月九日夜。召儀山及諸徒屬。



以後事。書偈曰。六十九年。謾地謾天。末後端的。虛空  
喫顛。自是日夕緘默如睡。十八日夜四鼓。更轉身。下  
右脇而逝。平生所度弟子數十人。四方來參成法器  
者。備後贖翁。京師大拙。阿州大震。濃州綾山等。實其  
選也。

### 大勝寺耕隱和尚傳

師諱智訓。字耕隱。濃州池田郡小島村人。姓杉島氏。  
蚤歲出家。受戒於圓成寺。定翁座元。師雖性魯鈍。篤  
志拔群。初出遊四方。參請諸老。惘然未相契也。既又  
久入講肆。亦莫所得。儕輩皆誚笑之。師遂南遊阿州。

從慈光寺廣照禪師。請爲其飯頰。禪師乃當世所謂  
春叢和尚也。師已得爲飯頭。日夕勤於供衆。不厭春  
炊之勞。一日淘米。次乍得省沙米俱淘之語。自是靈  
機轉撥。知見洞明。初不依文字。盡領解宗乘。居數歲。  
將辭去。廣照有贈別語曰。訓禪人。賦性朴直。而勇猛  
傑烈。喫枯淡。嘗辛苦。精鍊苦修。加不厭煩勞。禪補常  
住。有年于此。今春且遊豐城。臨別請誨。嗚呼法門。荒  
蕪。祖庭衰弊。莫甚於今日。大丈夫請自加策勵。勿冷  
願輪退却。須爲我佛祖。盡忠勇。是至囑也。師遂往。見  
行應愚溪龍門抗州諸老。咸極贊稱。已而爲福田大

勝寺葦溟勸公法嗣。住于大勝。大勝素乏資產。又無檀越。師日手鋤闢荒蕪。耕種無倦。大勝與瑞徵隱山及圓鑑二師。禪棲相距頗遠。然每遇其講日。晨往夕還。略無懈怠。遂得參盡宗旨。玄奧。於是師之德華日煒燁。江湖而猶自韜晦。未曾開門接來者。文化甲子秋。參請者益衆。於是初提唱槐安國語。江湖毳侶來集者二千餘指。廣照與圓鑑弘通正源。慧燈顧鑑等諸老咸來輔化。蓋一時盛會也。爾後雲衲過從。常不減四五十人。初師起禪堂。不須構築。止略樹其所。須柱楹耳。以爲雖假造。遠勝於樹下石上矣。一日雲衲

盡出行乞。師獨在浴室焚火。適禪客至乞宿。師許諾。客見師衣被麤弊。以爲晚年出家者。因乞火吹煙。明旦請見長老。則昨焚火浴室者也。客大驚。遂巡引退。殆乎不能自容。又嘗有客留宿。明旦師見其吹煙而遺灰狼藉。大怒。提竹篋追至河上。僧旣乘舟。師大喝曰。此乞食僧。吾擊汝折脛去耳。師嘗率衆行乞。見一僧得稻米一斗。責曰。何物。魔子。敢誑人家男女了。其端嚴率是類也。以故厨下枯淡飯。頭常得當日衆僧行乞所獲米麥。炊以成粥而已。師常警人曰。世尊有言。樹下一宿。謹勿得再宿。百丈亦有一日不作一日

不食之語。修禪者可不思此乎。師爲人質直絕無矯飾。人或議其少文。然枯澹之風。真可欽也。當時江湖相傳以爲師。朴實爲性。且尋師訪道之勤。有類六祖雪峰。荷擔宗門。至老不衰。百丈楊岐。亦不過此也。於是洪德發聞。遂達九重。詔賜紫。令住妙心寺。後又特賜嘉號。曰金剛正眼禪師。嘉永三年七月朔得病。三日午後。一喝而化。

### 寶福寺妙峰和尚傳

師諱玄實。字妙峰。勢州之產也。受業龍雲和尚。三住東福。次住南禪。詔賜紫。住備中寶福寺者二十有六

稔。修補諸伽藍之廢闕。凡叢林之宜。有者悉備。衆稱爲本山再中興矣。文政己丑十月。值慧日國師五百五十年大遠忌。先是本山耆舊豫相謀。欲請師董席。爲衆評唱五祖錄。而是春師赴浪花大仙之請。尋臥疾殆三旬。四月初九日。安然示寂。終不之果也。世壽六十六。初師行脚時。嘗掛錫于周防山口常榮寺。叩性堂老師室。多年遂得印記。又在高野山者三年。兼學密教。究其蘊奧。旁涉諸宗。嘗歸其鄉勢州。講阿彌陀經於眞宗某寺。又嘗在備前岡山。講法華經於松琴寺。凡赴諸方之請者數十會。徒衆常不下六七十

員末後得印證者。爲勞州密嚴寺虛應西堂。本山關嶺西堂。信州願王和尚。豐後佛母和尚等焉。

### 慈恩寺棠林和尚傳

師諱宗壽。號棠林。姓熊崎氏。飛州益田郡人。年七歲。就其鄉中呂村禪昌寺芳谷長老。祝髮受戒。旣長。參讚州九峯和尚。頗有悟入。已而聞隱山和尚盛化於濃州瑞龍。往見之。初就坐。隱山便言。撥草瞻風。只圖見性。卽今上人性在何處。師進。又手當胸而立。隱山未以爲可也。後經三年。始得印可。仍服事隱山者有年。文化七年。嗣法寂庵。住于濃州慈恩寺。衲子雲集。

在慈恩十四年。應聘移幢於加茂郡加治田鄉龍福寺。數歲。又移居瑞龍。於是設爐鞴於僧堂。鍛鍊甚勤。學徒苦其峻險。望風引退者相繼。獨蓑經雪。潭遂安猷。邦陵山萬寧等諸老。咸出于師錘下。當時江湖號師。與備州太元爲一雙甘露門。天保三年春。奉詔出世妙心。賜紫。八年。夏。制評唱碧巖錄於瑞龍。衲子來集者四百餘人。已終講。至十一月十日。忽焉示寂。火化。建塔於天澤菴。又分骨葬於梅谷。慈恩龍福三所。明年。詔賜謚大徹正源禪師。後人集其示衆法語及偈讚等。名曰宗門玄鏡錄。其移幢龍福示衆曰。烏藤

一卓在鍾山。十有餘霜尚盤桓。抱道玄侶十數輩。相將且與喫辛難。辛難深處好風景。一段煙霞異凡境。山圍水繞興偏幽。月明星微夜方靜。因憶南泉拂袖趨。物外從容豈易圖。又憶存公曾有嘆。光陰倏忽莫顛預。頻年竊吹戲棚窄。自吹自拍又自適。一生擔板少知音。去就莽鹵復奚益。近五老龍福境名有僧中仙。邀我慇懃要談玄。虎嘯龍吟龍福室中話。源深流遠臨濟禪。臨濟正脈此流傳。金紅爐上曾百鍊。妙密鉗鎚着着親。長與水雲此回漩。咄。光陰如箭上堂舉。宋太宗問僧看甚麼經。僧云。仁王經。帝云。既是寡人經。因

甚麼在卿手裡。僧無以對。雪竇代答云。皇天無親。惟德是輔。師曰。明覺道得不昧宗眼。雖然似是不替他宸襟如何。若是山僧遽避席。亞身和南道。貧道不覺皤皤如也。上堂舉黃檗示衆曰。汝等諸人。盡是噉酒糟漢。恁麼行脚。何處有今日。還知大唐國裡無禪師麼。時有僧進對曰。只如諸方匡徒領衆。又作麼生。檗云。不道無禪。只是無師。驀拈拄杖曰。蕭何入關收圖書。真點胸云。霧豹澤毛。未嘗下食。庭禽養勇。終待驚人。殊不知咸陽猶遠。畢竟作麼生得平穩去。卓一下云。文武之政。布在方策。其人存則其政舉。其人亡則

其政息。臘八示衆。幕拈拄杖云。魚止滙。安能測海。鳥棲蘆。豈擇深林。擲下拄杖云。釣頭怒激煙雲暗。奈鱗鯢迷含巨浸。咄。評唱虛堂錄。拈拄杖云。全鋒敵勝釘。鑄。搖櫓就低平。高隔靴搔痒。雷喝埋沒宗乘田舍郎。圓照禪師十七回忌拈香云。雨餘蘭桂鬪濃妝。嫩色猶香十七霜。相遇莫嫌呈醜面。無錢難作好兒郎。快川國師二百五十年忌拈香云。夜靜樓臺隨扣擊。雲晴潭月觸波瀾。國師心印誰描貌。赫赫焰中翻錦欄。錯不錯。珍重法王三昧火。都盧烈聚燎天端。參。上堂。舉乾峯三種病因緣云。洛城一別變衰移。水遠山長。

春鳥悲。約臂黃金寬一寸。逢人猶道不相思。咄。痴憨休嗟咨。噫。評唱臨濟錄。上堂拈拄杖云。三頓棒兮非啐啄。打爺拳怪火星飛。喝。句中削意從君說。語到廉纖隔鐵圍。賦花鳥別示諸禪。拈拄杖云。鳥啼簫簧花醉霞。春花春鳥且休嗟。閑吟花鳥慰斯別。巢鳥親人似惜花。久立大衆。伏惟珍重。

大仙寺雪關和尚傳

師諱紹珠。字雪關。少入隱山室。與太元棠林古鑑爲伴。精苦自勵。當時號爲隱山輪下四哲。已而嗣法隱山。入居天澤庵。冬至示衆曰。日月易流。光陰荏苒。節。

屈亞歲。雲物改觀。林下衲子。成得甚麼邊事。吾關山門下有甚麼事。所謂我宗無語句。又無一法與人。同行。木上座突出。對云不然。近世鵠林門下。有機關。有難透。有向上。有向下。和尚莫謾人。時紹珠亦在座。進曰。上座未。在。且復坐。吾請下一語。良久乃曰。我宗無語句。亦無一法與人。恁麼道。將謂寶山門下說老婆禪。我只要諸方。賤剥。臘月朔。示眾曰。明招獨眼龍云。這裡風頭稍硬。且歸暖處商量。今歲冬暖如春。說甚麼風頭。邪寒商量。晝參夜參。參至彌勒下生。始得。顧視左右曰。飯袋子。瞎睡漢。歸堂。成道會拈香曰。針頭削

鐵絕消息。無位真人。赤肉團。一見明星。眼睛活。曉風不耐弊衣寒。別別。老瞿曇。在甚麼處。衲僧分上。須自看歲旦。上堂曰。目前無法。意在目前。雲擁萬樹。祇園無差。不是目前法。非耳目所到。雪蓋千峰。徑塢鬢鬚。茲關禪關。巨延。龜侶。扶豎宗風。高建法幢。山僧今年五十三。百城煙水。正好重新。歷參。恁麼不恁麼。回古佛家風。不恁麼。恁麼。一新祖師巴鼻。正與麼時。少林一曲。作麼生。拍手曰。囉囉哩。囉囉哩。是曲調。萬年歡。又拈拄杖曰。寒裡漏春。東帝令。山頭老漢。舊時顏。新年佛法家風。有雲餅。趙茶。要透關。卓一下。且道透關

底一句。諸人作麼生。良久。侍者拈却拄杖子。卓一下。天保六乙未。春二月三日示寂。世壽七十歲。末后有偈曰。百前古路。一條廣博。末后商量。有棺無椁。

輝東菴顧鑑和尚傳

師諱古范。字顧鑑。澧州厚見郡人。姓尾關氏。七歲有出家志。父母聽之。令從自宜首座。於名禮村中林院。祝髮。遂禮東嶺慈公。得度受戒。師天資穎異。氣象勇悍。遇事敢往。不肯退避。祝髮後。未數月。既能諳記經咒。又能誦句雙紙語錄等。九歲奉宣公命。歸省父母。自名禮村至岐阜。山路數里。師已發村入山。行里許。

誤墮溪中。衣咸霑濕。乃釋衣晒之。路傍。躡而踞石。不覺困睡。有一樵夫。喚覺之。曰。子非旅僧耶。何以褻露如此。且欲何往。師曰。吾爲名禮村中林寺子弟。將欲赴岐阜。誤墮溪流。是以如此耳。樵夫曰。日且夕。子不得達岐阜。不如返中林。僕請護送而行。師笑曰。男兒至此。何却步之爲。卽起。披緇拂袖而去。三更至家。父母視之。驚曰。汝師膽大。宜乎汝亦膽大如此。十六歲始出遊。執業講肆。二十歲至豆州龍澤。見三光和尙。和尚使師入東都參峨山於麟祥院。峩山示以隻手話。師矻矻乎參究。如負重擔攀峻坂。時方隆冬。師止



着單衣。峩山怜之。令士人市川授一温袍。師受之。然仍不肯着。同窓諸人爭言東都文物繁盛。師弗顧曰。已事未了。何暇遊觀。一日經行庭際。忽然大悟。因入室呈所見。峩山詰以數件機緣。師猶不免凝滯。峩山曰。汝雖悟入痛快。然隻手根源。猶須子細。自此鍊修。頗着精彩。無幾。峩山移居永田寶林寺。師亦從焉。與諸子結伴庵居。精苦自勵。嘗問峩山曰。老師百歲後。不知當得從何人。盡餘蘊。峩山曰。我滅後。參隱山可也。師乃往見隱山。精鍊苦修。久之盡得蘊奧。隱山爲書綱宗偈。以爲之證。卅四歲。隱山及諸老與關道謀。

欲使師住輝東。師曰。中林爲三光先師開創。且宣公遺跡也。吾固欲就中林。扶起兩師法幢。以報遺屬。是以往者。濟松請我住持。吾固辭不就。今亦不能奉命也。隱山曰。中林實爲嶺師開場。且屬宣公遺跡。然資產缺乏。系嗣亦絕。且夫輝東亦爲嶺師中興之場。嶺師嘗欲以此爲終焉。資產雖乏。未至缺絕。獨苦無嗣者耳。今子一住輝東。而後分法脈於中林。豈非兩全之計乎。遂強使住於輝東。因轉位爲法山第一座。號曰願鑑。爲樞關道嗣。師在輝東。食淡苦攻者十六年。中間屢有省發處。已而豁然徹根源。初得見鵝林門。

下別有向上玄機。而平生受用。殊得大自在。自是應機接物。受益者甚多。四十九歲。是春遠近老宿相與謀。請師大開法席。提唱宗門無盡燈論。開卷偈曰。一吹吹滅燈無盡。李白桃紅取次披。未了先師舊公案。聚頭各自又皺眉。是時通應以下諸雲衲數十人皆來會。蓋侍講者二百餘人。與俱唱雲門曲。專提鵝林神機。神戶小島兩士。為給道糧。於是宗風大興。聲騁遠邇。五十歲。與道俗謀起僧堂。扁曰新定機。刻聖僧像以安焉。五十一歲。丁隱山七周忌。雪關開碧巖會。於瑞龍師為之輔。秋又應甲州寶林請。講鵝林普說。

是為應聘之始。講畢。歸過信州飯山。拜正受老人塔修齋。且附供養料而去。木曾關今山邨氏迎師請垂誠。因留居長福者旬餘。六十一歲。諸老齋法山疏來。請視篆本嶠。師固辭曰。鵝林三光我山。諸大老皆深自韜晦。不肯出世。余亦欲傲之。不能奉命也。六十七歲。是冬尾侯賜褒章及白金三錠。師謝以偈曰。身貧久住此閑房。宛似長庚殘月光。如法修行元我分。老來何計賜褒章。六十八歲。是歲東海諸州五穀不登。民多阻饑。師為作粥以施丐者。是夏尾侯使師住妙興寺。居三年。世家貴族禮師益篤。贈衣服飲食若卧

具醫藥者甚多。六十九歲更造輝東堂宇。遠近素沐師之法澤者。相與拽石搬土。以助工役。不日而成。明年諸子與謀。開法筵於輝東。以落之。來會者四百餘人。通應爲輔接衆。道俗給糧。極一時之盛。七十三歲。應請移居遠州大通寺。翌春。尾侯又命講碧巖錄於泰雲。公子貴族接武趨踰。輪下。犬山大夫亦來侍講。且時遣使問慰。夏又移豆州龍澤。秋開臨濟錄會。修三光老師五十回忌之祭。命通應分座。已而患痢。猶力病接衆。不異於平時。數日通應齋筆硯。請作遺偈。師喝曰。痴漢。吾遺偈滿盡乾坤。何須弄紙筆。應曰。雖

然且放下。一着更書滿底。一句以遺後昆。師乃莞爾。書曰。七十四年。觸西觸東。末後一句。低聲低聲。旣又召通應。屬以後事。且垂誠諸徒。終泊然而化。寶天保十四年八月廿日晡時也。明日易衣。丹田猶微溫。遐邇真俗雲集。拜遺骸。面色晬然如生。廿二日。闍維於鹿苑。明旦收骨。皎潔如雪。其丹田成圓形。色彩粲然。遂分骨葬於三處。師機鋒峻嚴。少所許可。平生授人以隻手根源。江湖衲子。雖稍見頭角者。猶難於下。嘗椿榮總康豐州。皆爲嗣法。上首而能傳師道者。莫過於通應。師已寂。嘉聲遠颺。遂達九重。嘉永中。特詔賜

謚靈眼弘明禪師。

聖福寺仙崖和尚傳

師者濃州人。初謁日州古月。辛參苦修有年。終究宗旨。蘊奧住于筓前聖福。有偶成偈曰。靈山清衆稱八萬。孔門弟子亦三千。山僧獨坐藤蘿石。日看浮雲過眼前。師旁善畫。至其用意者。則雖專門能畫者。皆莫能及。然不欲以畫得名。故常寫遊戲以自掩。然亦諸人不能及云。

建長寺通玄和尚傳

師諱元聰。號通玄。豐後竹田人也。七歲薙髮于郡之

松岳寺。及長遠游。備嘗行路之難。入武州。掛錫於芝阜大智。參海門東。朝鍛夕鍊。孜孜不倦。多歷葛裘。竟究其玄底。寶曆年中。接海門武住于本寺。尋受公帖。領建長寺。匡西來。毳侶者有年。道聲大振。安永辛丑三月二日。書遺偈。泊然而化。

靜泰院蘭山和尚傳

師諱正隆。字蘭山。號積翠。出羽山形人。髻亂見一驅鳥披安陀會。威儀整肅。乃不甘處俗。求出家。父母不可。百計噉以葷肉。師皆却之。父母異之。遂屬勝因寺。台禪嶽。公薙染精修絕倫。屢至出岷。恬然不顧也。比

年十七八。陸奧月船慧公器之。稱爲非池中物。師一日喟然嘆曰。欲得道之微妙。豈徒佔畢之所能得耶。自此遊方。徑見丹之。太道可公。太道示以雪峰粟米粒話。師服膺六年。及佛成日。脫然有省。呈一偈。有工夫空。費六年禪之句。太道驟然指空字。而示不字。師憚如。太道因勸諭之。南遊日向古月之門。是時其嗣翠巖眞公。其孫拙堂敬公。一時並化。如鼎足然。師周旋三大老間。終盡蘊奧。有馬侯創建福壽寺。請古月爲開祖。古月將命。師爲嗣。此時竊有爭衣鉢之徒。師見幾而作固辭之。因遺屬嗣法於大宙昂公。而住豐

前開善寺。故古月七年忌日。上堂曰。換手推胸祖一言。却因遺囑負宗恩。秀峰謾有斯消息。杜宇聲聲月色昏。在侍衣寮六年。脇不至席。寅夕燈香。躬服勤之。寶曆己卯春。隸籍於花園第一座。未幾雲衲輻湊焉。明和乙酉冬。雲衲三百餘員。麇至。師評唱息耕錄。勉勵之。禪風大振。小笠原侯忠總嘆曰。古人云。三代禮樂在緇衣中。斯言不誣。命有司贈金穀若干。蓋表章師之盛德云。明和庚寅春二月。涅槃忌齋。退院上堂。辭衆。隱于靜泰院。身具杖拂之外。唯有數十書篋而已。靜泰在豐之柳浦戶上山麓。小笠原侯高祖之香

華院也。先是師夢躋一山巔。有龍升降于天際。有精舍極輪奐。及躬至于此。宛如所夢。故號山曰天龍焉。大雲雪公。仁山忠公等。先在開善。久霑化育。恩皆不忍去。相尋追跡。其後春澤拙公薰岳桂公輩。亦接武而至。披榛挈畚。析薪執爨。咸爲道不愛軀。晝則作務。夜則提唱圓悟心要。左提右挈。無所不至。侯亦拉諸子。相忘爵祿於道。纘龜山上皇之緒。混畚築之役。多方拮据。簸揚之。鬱乎叢林。不期而成。於戲盛矣哉。執政太夫丸田登。憂食不給。密諭一士。使師請官穀。師叱之。侯高尚其事。歲給廩穀。師偶遊長崎。四衆懇

請授戒。達嚬奇貨不可勝計。師謂左右曰。罔利於都會者。滔滔皆是。我羞與此輩伍。悉以達嚬市粟。施悲田乞兒之徒。及其出境也。士庶五十或一百送之路。哀請三歸。或有數十里之外。追慕乞法號者。天明壬辰春。大飢饉。師賑錢及粥於窮民。寬政辛亥。小笠原侯忠苗在江戶。迎師其邸。修先考卒哭忌。殊加優禮。及師告歸。太夫人手自裁縫。伽梨贈之。寬政壬子。海門恪公與其耆舊議。請師評唱大鑑錄。厭其鬧熱。不許。四衆來掛搭也。而雲衲輻湊者。終至三百三十餘人。厨下糧竭。每人一日食米二合而已。然衆惟道是

修。莫有難色。師八十歲。應京都龍安之請。小笠原侯  
微行問安。叙別。欲強留之。而察其狀。終不可留。乃止。  
既臨行。士庶男女少長。雜然填咽山門中。師作偈辭。  
衆。及到龍安。洞濟耆宿。一山恒公。隱山琰公。東門公。  
之輩。爭先輻湊。衆凡七百餘人。師乃評唱碧巖集。誨  
而益勵。老而益壯。其歲四月廿九日。忽示微恙。顧視  
左右。微笑而化。道俗奔波如喪考妣。及火浴。爭拾舍  
利。灰燼皆竭矣。分骨於龍安。於開善。于靜泰。三所立  
塔。師未卽世之日。其顙或出舍利。牙齒脫而化。舍利  
皆瑩徹如珠。侍者竊取。安之。靜泰。道俗視以爲奇。師

哂之。嗣法者。大蕪智玲。揚宗智旭。洪巖慧範。師歿後。  
其行實達。宸聽。敕賜謚圓機妙應禪師。師容貌短  
矮。度量寬弘。器識精嚴。不喜戲謔。衣則不帛。食則療  
飢而已。威儀整肅。能踐初步。雖挾邪慢者。及見師。則  
氣索色沮。及其機鋒橫出。氣岸壁立。不望崖而退者。  
鮮矣。他山之請。多固辭不往。嘗謂二三子曰。我代佛  
揚化。豈不欲遊化哉。而取矯好爲人師。辨取佛法者。  
乎。其介潔如此。

玄要寺綾河和尚傳

師諱義完。字綾河。別稱再過。阿州德島人也。姓芳村

氏始謁鄉之慈光寺春叢和尚。請薙髮。司吏不許。師乃密去國。禮讚州實酸和尚受業。遊方抵濃之堅相。從正燈圓照禪師隱山和尚者十一年。孜孜參究。未嘗出其閫外。後受和尚印記。文化十年癸酉。轉位於妙心第一座。十一年二月住院。文政元年秋。改造白松岡。冬制邀請豫之龍潭行應和尚。評唱槐安國語。四年辛巳。造寶藏。嗣後寺中府庫殿堂廡舍等。逐年築造。天保六年乙未。當開山月峯大和尚二百回忌。有故遷延。至明年丙申三月。開大齋會。集衆三百餘員。提唱五祖錄。師自此會。名聲藉甚。雲衲隨從者。恒

不減三四十人。盛行隱山宗風。師豪放不羈。不拘細行。有學者請參謁者。則雖飲酒席接之。於是江湖英衲乞參請者多云。然而雖師既老。莫有嗣法者。嘉永二年己酉十月有疾。忽爾而化。在住三十七年。保齡六十有五。

### 建長寺湛堂和尚傳

師諱元丈。號湛堂。不詳族姓。肥前佐留志郡人也。天資皓潔。道貌豐偉。幼而禮郡之圓通寺礎山。出家剃度。及長南詢不憚跋涉之勞。遍歷參諸方名師。年二十。聞通玄師熾化于巨福。往而依焉。久之受其印證。



代主大智。無何受公帖。董建長寺。佛生日偈曰。懶向  
泥中洗土塊。漫將杓柄靠皮袋。茅堂索索黑甜餘。看  
盡遠山粧翠黛。七朝國師四百五十遠。忌曰。雲行雨  
施。老天龍將一指頭。張祖宗隨處爲它居。主位靈蹤  
不必在龜峰。正宗廣智禪師。平年忌香偈曰。祖師心  
印鐵牛機。推不去。分拽不歸。只劈檀香穿鼻孔。瑞雲  
含雨洒巖扉。文化丙寅歲五月二十日寂。壽六十七。  
有芝園集壹卷。

建長寺真淨和尚傳

師諱元苗。字真淨。紀州田邊人。姓細野氏。甫十一歲。

從郡之興禪寺。快應祝髮。受具。既而謁見諸善知識。  
後依蘭山湛堂兩古佛。一味參究。至忘寢食。遂佩湛  
堂印可。董大智席時。本寺頗荒壞。上漏下濕。殆不可  
居。師處之晏如也。專提撕衲子。大揮法柄。未幾應巨  
福闔山之請。率徒移曇華。文政甲申。受公帖。領建長  
寺。丁亥秋。西來初祖五百五十年遠。諱結制。接八百  
餘員衆。拈香偈曰。地轉天旋。曾不遷。西來五百五十  
年。扶桑一自傳。心印圓鑑影中。杲日懸臘。八示衆偈  
曰。滿頭三五年。青灰破衲。幾年來。垢埃。鬢發天寒成  
道。曉爲誰。星彩又重開。長壽開山大梅禪師五十年

忌時朝廷新拈香云。非心非佛沒商量。卽心卽佛話。  
賜徽號尚長。五十年前溢餘德。褒章薰徹御爐香。上天橋山  
 云。六里天橋大海中。虛空有路入龍宮。而今菩薩說  
 何法。濤湧青松樹樹風。文政己丑。慧日開山五百五  
 十年。遠忌衆議萃于師。禮請甚力。師不得已應之。領  
 三千餘員。龍象修之。朝鐘暮鼓。法儀濟濟。由此道譽  
 高于輦下。壬辰歲寺社奉行。賜坂中務少輔宣官命  
 於巨福。受公帖領南禪寺。昔北條氏盛時。五嶽相峙  
 于鎌府。高德偉才。後先輩出。以故有宣命事。及足利  
 氏時。沿例不改。爾後無此事者。幾乎三百年。至師乃

復有此寵命。緇林稱爲賜紫之中興矣。師以天保辛  
 丑七月二十五日正午。辭衆坐化於半山亭。報壽七  
 十歲。乃闢維其後園。出舍利。五色燦然。念珠不壞者  
 三十七顆。分靈骨建塔于四處。曰長德。曰寶泉。曰曇  
 華。曰長壽。師資性冲和。談論溫藉。然風範威肅。令人  
 欽伏。嘗語人曰。吾初東遊。日適屬寶泉開祖四百年  
 忌。方諷經已畢。臨齋之時也。余乃卸包洗足。徑赴齋  
 坐。是在關東把箸之始也。想余收箸亦必在此日。及  
 示寂。果如其言。哲人之言。誠不虛也。有曇華集二卷。  
 未上梓。

建長寺願翁和尚傳

師諱元志。字願翁。姓內海氏。陸前松島人也。初受業於郡之海無量寺。牧舟。及長行業純一。後拂袖到鎌倉。從眞淨於西來。未幾受淨指示。徑赴防之常榮寺。入諦洲室。洲一見器許之。師志氣倍奮。究明已事。遂佩洲正印。回嗣法。拙堂劫董大智山。萬延元年。受公帖領建長寺。三年秋。移蒲曇華。匡西來衆。慶應三年。受公帖領南禪寺。明年入寺開堂。明治四年春。中興寶樹院以居焉。翌年。官置教部省。廢僧官。新立教導職。於是各本山有新補舉。同年五月補權少教正。六

月進大教正。未數年。示寂於歸耕室中。世壽六十一。乃分靈骨。建塔于二所。曰長德。曰寶樹。自緇徒外。優婆塞優婆夷。執弟子禮者。凡五十人。山岡鐵舟居士。其上足也。師平生頌文散佚。今僅得數首。其清涼智鏡法尼師也續逆修云。大圓鏡裏裏虛空。瑩徹十方影。現中撲破將來重。點檢都盧凡聖一。如同同頌云。豈論生死去來相。况復三從五障躬。饅頭埋却無餘物。松島濤翻樹樹風。明月院。簡堂和尚贊云。半相老漢勝全身。手握黑虬轉法輪。受用一生無盡藏。清風明月自家珍。

補闕

師年七十餘一日  
僧堂衆持鉢將出  
院侍者禮辭去師  
在書齋應之憑批  
如眠侍者行乞了  
謁師師憑批依然  
如旧無一言句侍  
者怪訝俛側驚覺  
師既化去所謂坐  
脫者歎萃于徧界  
一覽亭山下

補闕

西京慧日山中或  
院徒也  
天保乙未雨安居  
達正續國師五百  
五十年諱提唱國  
師錄開卷得曰有  
說無說熱梳鳴耳  
開心聞野狐精今  
開我靈巖峯頂誰

與國師把手行江  
湖雲衲來參者殆  
五百人

圓覺寺清蔭和尚傳

師周防國人也。遊方依圓覺誠拙和尚數歲。終受印記。嗣法誠拙。董圓覺僧堂衆。師資性溫良。諄諄善導。文政八年三月。應相國寺請。率雲衲五十員來。雨安居。提唱碧巖集。

圓覺寺淡海和尚傳

師依誠拙和尚數歲。終究宗旨蘊奧。嗣法清蔭。董圓覺僧堂。師機鋒峭峻。棒喝交馳。然應學者根機。誘之循循然。豫州大隆寺晦巖少參。師久歲。旦作詩呈師。師曰。汝尚杜撰如是乎。晦巖方擬議。師曰。果然汝未

徹在。一日晦巖爲衆請入室。師卽瞋目勵聲叱云。可厭可厭。其峻拔率如此。

長德寺海門和尚傳

師諱元東。海門其號。姓平田氏。武州塚原人。始從其鄉長德大岑和尚受業。旣而大岑寂。南嶺繼席。於是師西遊。參日州古月和尚者數歲。及南嶺寂。乃還。繼住長德。寶曆九年六月八日寂。有語錄二卷。師嘗住建長。初至。指山門云。此箇解脫門。何論及不及。召大衆云。看看大地等證。入佛殿云。古佛縱送。今佛磬控。兩兩相逢。不妨動衆。土地堂云。法法本無法。護惜箇

什麼大驚還小怪。切莫動干戈。祖師堂云。癡坐一隊漢。著什麼來由。點檢將來則六耳不同謀。據室按杖左邊云。這箇不通凡聖。按右邊云。那箇坐斷千差。卽今山僧別放開線路。畫一畫云。一徑直二徑遮。拈帖云。將軍塞外令。衲僧肘後符。捧帖云。全幅半封。竟不涉多途。法座云。芥納須彌易。須彌納芥難。卽今是什麼三昧。進步云。高著眼看。陞座拈香云。大日本國相摸州鎌倉府五山第一巨福山建長興國禪寺新住持元東開堂令辰。欽焚寶香。端為祝延。今上皇帝聖躬萬歲萬歲萬歲。陛下。欽惟仁恩雲行雨施。社稷增

重敷德化于二儀之先。文明日照天臨。禮樂已調。復淳風于三代之古。金輪永御。周道如砥。獻算長保。海屋添籌。次拈香云。這箇薰向寶爐。奉為征夷大將軍資倍祿算。恭惟柱礎于武門。繼德川流。齊家治國。金湯于法社。受靈山記。奉佛歸僧。掌內乾坤。揆度化育。扶桑六十州。天上日月。威望下視。恭奉八千丈。又拈香云。此爛枯柴木。不在深山巖崖。又不是十字街衢。二十年前得之。無陰陽地。徒爾區區。卽今皮膚脫落。盡伎倆一點無。直拈將來。供養前住南嶺老漢。用法乳。聊擬反哺鳥。且云。禪林一枝。萬物主張。茂叔蓮。

淵明菊。何堪比數。香嚴竹。靈雲桃。豈敢諦當。仰之高。鑽之堅。老倒竺乾大仙。又拈云。餘斧鑿跡。描不成。畫不就。匿笑藥嶠沙彌。蒼來說榮枯相。綿密密處。佛佛深根固蒂。空索索地。祖祖摘萼尋芳。直成正覺花也。擲却四十九年。埽壘燈籠結花。假名拄杖子也。打翻千七百則。葛藤瓦礫生光。或失此種子。而東倒西插。如麻如粟。或喫草料。而左旋右轉。爲葦爲航。拈杖云。言未訖。同伴木上座突出云。止止。蔓語荒唐焉。出生死稠林。豈足法海津梁。卽今長老爲國開堂。祝延皇祚。底一句。如何宣揚去。下卓云。一點梅花藥。三千世界

香。復舉開山大覺禪師上堂語曰。昨日記得一段新佛法。今朝欲與諸人提唱。天曉起來被風聲雜亂。一上這一段新佛法。都忘失了。也只得又舉舊本。當新聞。開山師翁。傍若無人。不提寸鐵。能張吾軍。雖然與麼。今日看來。恰如眼裡無筋。新建長不然。若有人問我一段新佛法。唯向彼道。拂云。一領布衫重七斤。

興源寺玉澗和尚傳

師諱元寔。字玉澗。西京人。幼有俊才。已出家。年十六。問詩岡公翼。公翼以爲可教。明年又見大典梅莊禪師。從游者二月。乃辭還故山。然自是常寄詩文乞澗。

削往復累月。詞才益進。遂以文藝名。江湖年二十。始發憤。深悔既往之趨。末技。從是專修禪觀。初參中備大雲。大雲寂。更從濃州隱山。與大元棠林等爲伴。鍊修十餘年。以隱山之命。常以文學引接衲侶。已而住阿州興源寺。又以文學誨衲侶。然見其至。年二十三。四者。必勸令入叢林。一歲夏。制聚侶四五百人。講楞嚴經。大元棠林古鑑皆來輔化。亦一時盛事也。師雖長文學。然堅持宗旨。常曰。吾山用禪堂半規。然不可專流文字。於是令禪侶夜必坐禪。師亦與俱參禪。嘗作文殊贊曰。不見而見。不來而來。對談一室。何隔五

臺。又有點眼偈曰。摩訶大般若。呼之妙德尊。烏兔作雙眼。日夜照乾坤。一點豁開處。八萬出法門。吾人之真性。諸佛之本源。妖魅渾屏跡。魔外盡喪魂。將何爲憑據。天晴絕塵昏。又開山普門禪師二百年忌偈曰。隻手扶成開國業。一方剏立普門禪。而今社稷泰山重。法運併昌二百年。又題堂前柳樹曰。露濕娟娟千縷新。僧房簷外自宜春。有時風擺頻搖曳。似拂修禪石上塵。

鹿王院泊船和尚傳

師始受業於嵯峨鹿王院。旣長。遊方。入圓覺僧堂參

誠拙數歲。既而受其印記。歸董鹿王院。兼領天龍僧堂。文化十二年。天龍火災。師企圖再建。拮据盡力。未及終其志而示寂。

### 慈光寺春叢和尚傳

師諱紹珠。字春叢。豐後佐賀關人。甫十一。投地藏寺。大百丈。祝髮受具。十八歲。遊方挂錫於白杵多福寺。偶見禪關策進。讀之數章。嘆曰。古人爲法忘身。刻苦如此。余亦千佛中之一。豈可以詩文過一生乎。去。往豐前開禪寺。謁蘭山隆公。次參天猊大休靈源諸老。後見遂翁盧公。究決悟後。大事三十五歲。視篆於慈

光寺。轉位於本山第一座。嗣法於越山傳。於是大開爐鞴。鉗錘衲子。門風孤峻。點滴不施。而資質寬容。謙讓容人。是以士庶多歸焉。文化甲戌十一月。特敕賜紫。時城州八幡圓福寺僧堂不得其主。師往而補之者數年。百廢具舉。文政癸未。師齡七十三。再住妙心。其餘應諸方請行法施者。不可勝數也。八十五歲。猶不倦。利濟金蓮寺。鼇洲。奏曰。妙心開山國師遠孫。阿州德島慈光寺春叢和尚。夙挾靈骨。參請諸方。惡辣之禪。既續國師正脉。恭奉 綸命。勤勞三寶。住持之職。再董花園法席。齡方八十有五。履踐較古無耻。鍾



拂於今不倦。法乳育幾才。德澤潤四衆。龔冀從上所具旨狀奏達。天聰特賜以禪師徽號。海內副望。蹈舞。不唯參玄之侶。法門揚輝。憑據永在。敕黃之文。抑佛法久住。於是可觀哉。敢布鄙悃。瞻仰曷止。誠恐誠惶敬白。賜。敕書曰。敕鳴鶴棲林。群鳥何能和其音。潛龍蟠淵。衆人誰敢探其領。自性天真。國師之遠孫。春叢和尚。初入蘭山室。後升松蔭堂。其性寬容。其風嶮峻。常轉法輪。輓回佛祖太古之風。大挑慈燈。照破勞生長夜之暗。况又齡近九旬。德聞十方。實是釋氏冠冕。禪門模範。嘗授紫衣。以答高林鳴鶴。今下黃

麻聊報深淵。潛龍特賜大鑑。廣照禪師號。時天保六年十月二十五日也。師自像贊曰。當時東請又南詢。訪道尋師幾苦辛。膽大麤心休不得。欲回四海五湖春。天保五年甲午仲春。應於黃龍陽關長老。需於萬松龍淵室。書八十餘而無疾而化。

樹林寺象匏和尚傳

師諱文雅。號象匏。別稱樵谷。森田氏子也。其生也。既有三齒。鄉人謂之鬼童。容貌魁梧。器度明敏。幼而出家。受業於樹林寺石室禪師。遊方專從事於文學。或規之曰。學文字。徒資口辯。非所以究至理也。師乃發

憤直往參見于慈照禪師。慈照示以趙州無字。師未有所解。憤激尤切。寢食俱廢。一夜安坐。不覺困睡。被他打却。忽然省悟。時年二十三。慈照嚴峻不輕許。可人師不少屈。請益喫拳。辛參苦修者幾十餘年。文化乙亥春東歸。承大哀法嗣。住樹林席。尋轉位於妙心第一座。壬午歲慈照赴請於三州小松原。師抵席下。罄其餘蘊。己丑歲夏師應江湖衆望。修五祖錄會。雲衲嚮風四集。天保癸丑退樹林。寓豆之國清寺。是時奉勅爲玉鳳院塔主職。居三年。移常州常光寺。又三年。移攝之祥福僧堂。四方龍象爭先輻湊。宗風之盛。

冠江湖矣。後三年有雲州慈圓寺請以疾堅辭。而其耆德及檀徒敦迫不已。遂赴之。及夏了病革。七月十八日。集諸徒遺誠。二十三日。書遺偈曰。象匏六十真境界。八雲立處頻尿天也。太奇復可惜許。不塵天下相似禪。擲筆而化。世壽六十二。法臘五十五。法子友堂益相承住于樹林。師平生不拘世故。專舉揚宗乘。深嗟宗門之衰頹。痛彈呵相似宗匠。杜撰禪和。室中未曾假辭色於人。故雖臨門者衆。透關者希矣。天保十一年九月廿九日。賜敕書曰。敕。自性天真國師。遠孫象匏長老。宗師典型。衲子摸楷。祇樹林下。常唱東

山暗號令。樵谷菴中。焉墮南陽舊蹤跡。澗甘露法雨。魚芥敗種之類。咸俾蘇活。握金剛寶劍。銅頭鐵額之漢。那不截斷。宗說俱通。隨時應節。神光獨朗。鑑天照地。慧日没西雲。道風聞北闕。仍垂寵章。謚曰神鑑。獨照禪師。

南禪寺大觀和尚傳

師諱文珠。大觀其號。濃州乙坂人。姓佐藤氏。幼而穎異。及長。善于包荒。與物無忤。九歲。從越前福井東光寺。泰崇康公。剃染。十六歲。初謁東嶺慈公。于遠州海藏寺。慈公命令掌書記。尋掛搭于豆州龍澤。往來遠

豆間者數載。誓曰。吾不能明此事。不舉頭望見芙蓉峯矣。於是捨身苦攻。十九歲。在尾州妙興寺。坐中乍聞鴉飛入室聲。豁然大悟。以質東嶺。嶺許可。自是益參詳徹底。竟至忘所得印定。時師年尚二十八矣。既而屏居京師友窓。三十二歲。為愛宕前大納言通直。猶子。嗣法定溪惠公。住于丹波法常寺。四十二歲。詔賜紫。於是始開堂。四十五歲。更開法筵於江州大圓。衲子雲集。五十五歲。讓席於法子憲革道。復入京。請為南禪僧堂幹事。因更僧堂名蒼荀林。百廢俱舉。鼓動真風。激發萬眾。遂得哉泰門純簡堂珍盤谷。皆

僧中鳳麟也。天保庚子。師年七十五。值南禪開祖遠  
諱。結夏制。提唱佛鑑錄。偈曰。據居柵外。播威稜。剛用  
翳睛走衲僧。鼓動徑山文武火。針鋒削鐵結寬僧。是  
歲秋。移居玉藏院。院卽師往歲所披荊榛以起廢之  
一也。衆以董席無人。固請不已。遂卓錫焉。辛丑秋。復  
入薺蔔林。臘月廿日。遽然罹疾。逾歲益輕安。自號七  
十七翁。不二身。已而復得病。在床褥。而濟度心未歇。  
然竟不起。實是歲三月廿八日也。世壽七十七。僧臘  
六十八。旣葬。起塔于法常玉藏二刹。

慈光寺陽關和尚傳

師諱東英。字陽關。姓關戶氏。常州水戶人。幼而穎異。  
旣有出塵想。甫十一。謁州之長勝寺龍雲模公。落髮  
受具。習學內外典。旣疑有已事。十六歲。拂衣遊方。聞  
阿州春叢和尚道風盛大。往咨決宿疑。春叢一見。知  
其法器。猛加鉗鎚。朝參暮請。連夜不接睫。直悟隻手  
玄旨。入呈所解。春叢舉難解因緣。以錮師意。於是疑  
團益不釋。捨身刻苦。脇不著席者二十餘年。一日忽  
悟了。古人諳訛公案。走入室。春叢迎之。喜溢顏面。囑  
曰。西來密旨。汝今得之矣。善自護持焉。中間敲磻諸  
老。門庭又往深林荒塚間。自試定力。三十八歲。蒙推

獎。轉位於本山第一座。春叢謝寺事。使師董其席。四十一歲。春叢設碧岳會。雲衲集者三百餘人。乃令師聽參請。一眾歸心。於是始開爐輔。接得方來。聲價日騰。師資質寬厚。而克慎細行。德化日洽。天保九年戊戌春。奉綸命。視篆于妙心寺。庚子冬。提唱虛堂錄。雲衲集者四百餘人。一會極森嚴。攝之兵庫祥福寺僧堂。闕主法師。闔鄉緇素欽慕師德。請迎之。師堅辭不納。及其請益切。乃不獲已。應之。其明年。謝寺事。付法於台州愚公。率眾移幢於祥福。於是百廢咸興。嘉永元年戊申秋。師方七十四歲。再住于妙心寺。師老

而壯。應諸國巨刹。請施法雨於四眾。庚戌秋。辭眾歸阿州。閑居養老。扁室曰耕月。然追慕跡至者尚多。安政四年丁巳。卜終焉。地還于慈光。既而示微恙。泊然而化。實是年八月七日也。世壽八十三。法臘七十三。嗣法者。台州愚嶺雲能。二人而已。師肖像自贊曰。陷破韶陽那一關。當機直是老僧顏。何煩倩得丹青手。描此醜容掛壁間。

方廣寺龍水和尚傳

師諱宗資。遠州長上郡人。澤木氏。幼就其鄉安樂寺齡仙和尚。得度受戒。十六歲。出遊豐前。事。中津寂光

普照禪師者十二年始得會宗旨。三十二歲還鄉住于奧山藏龍院。院實方廣寺塔頭也。既又往參濃州耕隱和尚。又依於備後靈機神應禪師。盡究宗門。蘊奧。天保十五年。在藏龍始提唱臨濟錄。其開卷偈曰。曠野人稀春意遍。瞎驢背上着金鞭。三玄戈甲前無敵。翠柳紅花交影鮮。已終講。兼送衆僧曰。梨耕拔舌恁麼了。早已龜毛幾許長。風拂岸花春半過。山雲溪水共茫茫。嘉永三年。起僧堂於奧山。開單提唱虛堂錄。初入堂。偈曰。山有枯薪溪有水。曉天一鉢入煙霞。毳衣卜得幽棲地。坐見暮林枝上鴉。開卷曰。從頭欲

得息耕禪。霑雨晞風百畝田。時至中秋禾已熟。家家收稅簇炊煙。已了卷。兼送衆僧曰。秋風八月二十五。話盡息耕百則禪。此境途中人若問。請君指點白雲邊。六年。命東明哲公。嗣席於藏龍。別就僧堂。傍構一室。自閑居焉。安政四年。夏。制提唱碧巖錄。四方領衆宗師皆至。江湖雲衲來集者無慮五百餘人。專參禪辨道。宗風大振。既又遇後醍醐帝五百年御忌。與開山大慈普應禪師四百五十年遠諱。合祭設奠。實爲奧山四百餘年來大法會。師拈香曰。帝王恩與法王憐。毒藥醍醐一味酬。縱使八風吹不動。雲橫谷口

石橋流。已終祭。雲衲且散。師謝以偈曰。路繞山重。方廣寺。對人先懶。語家私。夜來巖下溪聲咽。自笑閑雲幽石痴。講碧巖錄。開卷曰。龜鑑宗乘。明覺頌。權衡列祖。克勒評。一場紅淚。鶻花雨。萬古愁人。血滴情。元治元年七月。孝明帝特詔賜紫。明治六年八月二十一日。師急召衆告別。泊然坐化。師接衆三十餘年。衆中得其印可者。爲遠州舜應。西京石礪等諸老。

### 圓覺寺東海和尚傳

師諱昌峻。字東海。備後人。幼受業於藝州佛通寺。旣長。遊方。參謁圓覺誠拙和尚。辛參苦修。終受其印記。

住于圓覺塔頭佛日菴。接得衲侶幾三十餘年。嘉永三年。天龍寺將修夢窓正覺國師五百年遠忌。師應其請。率衆來會。兩安居。預相國寺普明錄會。雪安居。往天龍。提唱夢窓錄。江湖雲衲來參者。殆一千餘人。爲近世盛事。師資性溫厚。持律堅確。接衆恒不減三四十員。然其於人甚謹嚴。不輕許可。以故雖鋌下衆多。而受其印記者至鮮矣。受業弟子梵珠。依備前儀山禪師。旣受其印記。繼師法席。而不終其壽而寂。師年七十餘。無疾而泊然化。葬于正傳菴側。

### 國清寺月珊和尚傳

師諱古鏡。字月珊。俗姓村松。母三好氏。寬政元年。生于讚州丸龜。幼而穎悟特脫。有寧馨之稱。父使之投備前宗藏寺松峯直公。薙染受具戒。既疑有已事。十八歲。拂衣遊方。敲磬諸老門。而疑悶不自安。聞相州了義寺關道道風隆盛。遂往咨決焉。一日侍息耕錄講筵。有省人呈所解。關道舉狗子無佛性。因緣毫不交他語。以錮師意。於是猛著精彩。朝參暮請。目不交睫者殆八年。一日看沸湯。了然悟。古人謂訛公案。翌年。關道委順。師去謁尾之圓鑑禪師。禪師一見識其大器。勵加鉗鎚。師嘗自誓。不明佛祖向上。一著。則死。

不下。此山增自振脫。絲肉紛擾地。深林荒塚。凡恠異所伏匿。莫不自往。歷試焉。一夕在堂中坐睡。豁然心眼頓開。從前礙膺之物。水解雪消。佛祖命脉。一時燦破。卽走入室。圓鑑見之。悅溢顏面。囑曰。西來密旨。汝今得之矣。善自護持。會接松峯戢化之訃。辭歸董宗藏寺。文政八年。秋轉位於妙心第一座。時本國之望刹國清虛席。國司池田侯尋其法脉。欽師道風。敦請移席。固辭不可。丁亥夏。遂視篆國清。百廢俱舉。道價日騰。衲侶雨集。嘉永四年辛亥。奉敕住法山。是歲應雲州慈圓寺請。雨安居講碧岳集。又講臨濟錄于禪。



林寺。佛祖三經于大林寺。安政二年四月九日。忽然  
辭世。世壽六十有七。法臘六十。師爲人豪邁不拘細  
行。然其度人。諄諄善導。故受其化者。信從悅服。出于  
師。鏗下者。爲肥後柏堂俊。豐前魯山。豫州鐵山。讚州  
馬應。輒備前萬基。否等。師嘗講虛堂錄。開卷偈曰。咬  
破疎山壽塔。因逼天意。氣不溫純。就中最苦斯些子。  
擲下兩文。凡匠人大燈。國師五百年拈香曰。韶石再  
來。日本禪。乾坤打破得流傳。廬陵米價宜哉。貴挑起  
大燈五百年。平生語錄若干卷。秘在于國清寺云。

廣園寺巨海和尚傳

師諱宗航。巨海其號。初受業藝州佛通寺。旣又參誠  
拙禪師。數歲後。住相州山田廣園寺。又應南禪僧堂。  
請淬礪。雲衲晝屏。居丈室。至夜必端坐禪堂。持律極  
嚴。至老不衰。由是道俗歸嚮者甚衆。頃之應高臺寺  
請。其入山偈曰。任緣卓錫古高臺。一目長安萬戶開。  
不說中書堂裡事。樵歌聽罷午眠催。其講臨濟錄。開  
筵偈曰。秋天月冷鎮州城。不動干戈致太平。將謂將  
軍聲價大白拈。賊作甚分明。講已畢。兼送行曰。東土  
鎮州古渡頭。扶桑國裡錯傳流。依然佛法無多子。一  
陣清風送客舟。年已老。辭歸隱于廣園。遠近緇素咸

歸依。及示寂會葬者以萬數。葬儀所用紙幡紙華。皆爭齋歸。十襲以爲至寶云。

正眼寺雪潭和尚傳

師諱紹璞。號雪潭。紀州牟婁郡大田村吉田某子。爲人聰敏。氣宇高邁。甫五六歲。學文字。過目成誦。時人稱神童。比十歲。始慕佛乘。禮同郡大泰寺桐岳和尚。得度受具。後常好讀祖錄。一日慨然曰。爲僧而不通理。果何益。乃乞其師以遊方。不聽。於是自誓曰。余若不成此道。則不再入斯門矣。書其語貼門扇。不告而去。從此尋師訪道。歷遊四方。嘗在會于播州明石龍

谷寺。會中衆衲相月旦曰。如今明眼宗師之建法幢而盛大者。濃之慈恩寺。棠林禪師一人而已。師聞之。待會了。直往慈恩掛搭。日叩其室。而門庭孤峻難測。師不少沮。日夜孜孜打坐。已而棠林移幢於州之加茂郡梶田龍福寺。師與其徒從之。一日師忽發憤。登山門上層。揮淚自誓曰。嗚乎。吾何業障。生無益於時。死不爲人所知。爲僧亦何益。今宵若不徹悟。則不生。下山門。兀坐達五更。猶無所得。便蹶起。徙倚樓欄。將墮死於門下。脚已臨千仞。忽聞鷄鳴。豁然大悟。歡喜不自禁。趨入室。棠林一見曰。汝徹矣。棠林再移幢于

瑞龍僧堂。師又從焉。爾來辛參苦修者十有餘年。昂昂藏藏。陸沈衆中。終盡其蘊奧。受印記。後住于紀州大泰寺。時天保中也。其十二年春。諸山勸獎。初開法筵。提唱臨濟錄。江湖衲侶之集者三百餘人。是秋應江湖之請。移幢於美濃。加納天澤菴。從是從衲常不減七八十人。弘化四年春。妙心寺將興。開祖關山國師遺迹。特請師住濃州伊深村正眼寺。師從之。因新建築僧堂。法規嚴峻。宗風大振。嘉永元年。道聲上聞。朝廷特賜紫衣。卽詣闕謝恩。親拜天顏。安政六年。值開祖五百年忌。提唱大應錄。雲衲集者六百餘名。

其拈香曰。佛日扶桑。放大光。四天照破。未曾藏。無量刹界。絕遮蔽。餘烈猶存。五百霜。開卷曰。天澤波瀾。歸海東。龍淵淬得。奈機鋒。日多懸讖。誣人否。流遠如今。滅正宗。師居常遇。徒弟熱喝。嗔拳雷聲。怒罵門庭之嶮峻。十倍崇林。學者往往望崖而退。故江湖喚號雷鳴雪潭。師應尾州瑞泉請。提唱臨濟錄。時犬山城主亦臨聽焉。垂簾而坐。師登講座。大喝曰。咄。何人欲坐簾中聽講耶。予將舉揚正法。更無些子批獠。何乃爲篩批獠。狀如此耶。疾撤簾去。卽不撤去。吾決不說法矣。聲氣如雷霆。舉坐失色。其機鋒峭峻。雖貴顯莫所

敢憚者。率此類也。故師鏡下。具大機大用。唱圓照門。下宗風者不少。於是天下緇素。益景慕師之道德焉。慶應三年九月。奉詔入朝拜。天顏特賜徽號。真如明覺禪師。等得官許。就濃州方縣郡福光鄉真福故趾。興荒廢。再建堂宇。明治元年秋。命泰龍董正眼席。自退隱真福。六年秋。有微恙。九月十八日。安然而化。世壽七十三。法臘六十三。門下徒衆相聚。葬全身於正眼寺西北隅。塔號明覺。爲正眼僧堂祖。師建法幢。領徒衆者。凡三十三年。應諸方迎請者。凡三十餘會。所到徒衆。每以百數。大振真風。師嘗著僧堂龜鑑曰。

古人云。參禪須具三要。一大信根。二大疑情。三大憤志。若欠其一。如折鼎足。吾這裡別無條章。只須諦認。是人人有可見得底自性。有可徹底宗旨。方其憤志相續。有可疑著諸頭矣。若夫珍重半省半悟。去不堪真種草。切須子細至囑。

曹源寺儀山和尚傳

師諱善來。號儀山。若州大飯郡大嶋人。姓後氏。年十一。禮州之高濱長福寺南嶺謙公。剃髮受具。十七歲遊方。參叩諸師之門。二十二歲。到備前曹源寺。參妙覺果滿禪師。大元和尚。大元一見。知其法器。痛加錘

錘師日侍坐。精鍊刻苦者十有餘年。一朝豁然大悟。遂獲爪牙。不知手舞足蹈者數次。大元以上足表南溪先卒。舉師嗣席。天保丙申。陞法山第一座。翌年丁酉。大元示寂。師居喪盡禮。專提宗綱。振起祖道。參學衲子恒不減七八十人。寺舊掌岡山藩主池田侯之世祀。師治事嚴肅。而接衆無倦。每示衆曰。胸天月清。心地波平。朝葵天長地久之曲。夕唱國泰民安之歌。此外我無言句。無一法可與人矣。師不欲久居官刹。受福榮。弘化甲辰。稟官謝寺務。屏居牧雲菴。使參學上首鑑寶船嗣席。既得閑居。惟以鉗錘學者爲務。其

在錘下成法器者數名。各在一方領衆。歲丁未。當開山禪師百五十年忌。乃爲報恩。兩安居結制。提唱虛堂錄。江湖龍象輻湊者凡八百餘人。安政己未春。受法山之請。再住持本寺。開堂之日。敕使奉綸命臨筵。事畢。卽詣闕謝恩。文久辛酉。寶船先寂。因使弟子行大丘嗣席。輔翼道化。於是宗風再振。慶應丙寅。天皇特賜徽號。佛國興盛禪師。明治元年戊辰六月。應西京大德寺之請。遷泉之南宗寺。修僧堂。開單會三旬。七月。又應西京法山之請。三住花園。歲庚午。大丘蚤沒。師舉寶船弟子超暘公嗣席。壬申。再應大德

之請修僧堂。開單會。而住塔頭。總見院。凡三年。後辭歸隱牧雲菴。戊寅三月。疾作。及其革。弟子等環擁看視。且求遺偈。師諾之。二十八日午前十時。師端坐。索筆。書曰。去來生死。千村萬家。要見端的。水月空華。咄。書畢。擲筆而卧。眠少焉。泊然而寂。實明治十一年三月二十八日也。享壽七十七。僧臘六十六。師龐眉雪毛。玉骨插額。眼光射人。狀如應真。平生行履。洒洒落落。專示向上之作用。無滯礙。無蹤跡。凡應諸刹之請者。前後二十四坐。衲子輻湊者。或三百或五百。遠近悅服。侯伯亦往往聽法要焉。其仁法二教。偈曰。自利

利他。我箇三昧。入孝出忠。日用不昧。神明歸佛。偈曰。水歸東海。日沒西阿。野僧亦是晝。途夜家。神佛本迹。偈曰。本地一性。垂迹六和。元是一性。分爲六和。三世因果。偈曰。漁父棲山。樵子遊海。知溺畏飢。後來無悔。佛法國益。偈曰。不殺生足。不偷財多。善哉戒教。富國安家。鎮護國家。偈曰。諸惡莫作。衆善奉行。上下相和。善惡不競。生死感業。偈曰。看小夜姬。感業分明。身死爲石。望夫如生。須彌有無。偈曰。人人具足。箇箇圓成。出沒自在。不墮凡情。二法一雙。偈曰。指天指地。叉手當胸。若不覆載。誰在箇中。葬禮益不益。偈曰。喪儀輕

重出哀戚。誠論益不益。叱箇畜生。祭禮輕重。偈曰。鳥能反哺。雀亦獻花。烏雀微物。其奈人何。

心華院大拙和尚傳

師諱承演。若州大嶋人。友本氏。幼從其鄉東源菴實堂隆公。披度受戒。夙負偉志。不拘小節。年十八。欲出遊四方。隆公不聽。已而忽失師所在。遍索無獲。隆公曰。前日余不許雲遊之請。彼或怨恨入海而死也。先是師匿在菴中承塵上。聽隆公之言。乃出自承塵上。謂隆公曰。小子欲遠遊。若不見聽。獨有投水而死耳。蓋藉隆公所過慮。以爲辭也。隆公不得已。與其父母

相謀。遂使如其志。師乃去掛錫於作州本源寺。學文字。歷兩三夏。又入備中。從妙峰於寶福寺。學經論。又一兩夏。遂參太元於曹源寺。機鋒所觸。種種皆見破。遂傾心服事太元。久之。慧業益進。師爲人簡默。威容儼然。爲儕輩所畏憚。與贖翁大震。儀山及潁州超首座。造詣相伯仲。已而以太元之命。入尾州參卓洲。歷兩三夏。相國拙菴長老招師住心華院。院回祿於天明中。至是拙菴爲假設一菴。以待師。其室苟且。其具闕乏。師至。曾不以枯淡嬰意。後稍營治之。未數年。屹爲梵院。幡蓋諸器皆備焉。天保十年。結制本寺。命師

秉拂升座說法。嘉永二年冬。諸老遂與議推師陞圓覺位。三年夏。本寺修開山夢窓國師五百五十年遠諱會。師提唱普明錄。雲衲來會者五百餘人。於是選佛場爲禪堂。鹿苑院爲食堂。常住爲道場。圓覺東海。南禪巨海。曹源儀山見性大震等。咸來輔化。蓋一時盛舉也。至六月。師疾作。不復講者兩三日。已而復常。衲侶參請如故。初天保十四年夏。制師始發軔於萬年僧堂。曹源會裡。雲衲皆集焉。超首座及徂州越溪。天龍義堂爲上首。至秋衆散。越溪義堂乞掛搭輔化。後歷四五夏。僧堂益盛。而師嘗發風痺。至此疾方入。

膏肓。先是越溪一去。旣而復來輔化。一日師語衆曰。行應和尚在播州一剎接化。是時予請往見之。不聽。將復請。侍者曰。子勿復言。長老已耄且狂矣。予曰。何也。侍者曰。近日長老將赴講筵。暴雨適至。長老脚軟。將躓。吾扶持之。長老反怒且詬罵。舉杖打吾背。是非狂而何。予曰。不復請見和尚。今聞子言。勝于見和尚遠矣。師待人極嚴。少所許可。圓覺洪川年二十七。始出家。受業於師。師居常訶罵不少。假貸嘗使洪川參儀山。數月而歸。師曰。胡爲委委隨隨地便歸。須明日去。義堂住於峨山鹿王院。來乞見。不聽。固乞。乃延。



見。竟坐不交一言。或謂師曰。義堂有罪乎。曰。無有。然則何故不言。曰。以其無故而強乞見也。又曰。吾欲玉成此人而已矣。其隨機化誘。率此類也。晚患風痺。至安政二年十月二十一日。泊然坐化。世壽五十九。

東光寺通應和尚傳

師諱祖徹。字通應。尾州清洲人。年十二。投勢州桑名大藏寺褒山和尚。祝髮受具。十六歲初行脚。參同州乾山願鑑和尚。在鎚下十有餘年。終受印記。三十五歲。應請住于野州東光寺。晉山偈曰。大慧淨瓶南嶽斧。東光今日擁烏藤。住山。一句人如問。直下出頭揭。

正燈。四十六歲。開堂演法。接雲衲。五十歲。入本嵩兼拂。昇西堂位。又應遠州大通院請。率眾移法幢於智勝院。夏旱。近郡村民請師祈雨。師曰。出門遠洋也。好使龍神施雨。乃率眾赴于海濱。今維那舉唱普門品。唱聲未斷。海面雲起。沛雨大至。至翌日而止。遠近隨喜。僉服其高德。上州桐生町織絹商某來請師曰。吾鄉有怪。每戶斬所織絹。其害不少。由是多休業者。願師來禳怪。師曰。諾。然汝等亦須。每戶以業暇一時間。家中老少端坐一室。焚香坐禪。思惟何物妖怪爲此害。翌日其徒佐羽吉右衛門者來告曰。昨夜妖怪消。

滅。深謝師誨。於是遠近相傳。乞祈禱者齎至。多有奇驗。其驅蟲法。今尚傳于其寺。師又常印施。延命十句經。其數至幾十萬部云。嘉永七年寅二月廿八日。師浴畢。更衣。到醫家。敷氈趺坐。語次向醫乞診。醫診左手。將診右手。則喝一聲。視之已坐化矣。醫驚而告其徒弟。世壽五十有四。爲其法嗣者。龍潭寺星定和尚一人耳。

蓮光寺妙喜和尚傳

師諱宗績。字妙喜。駿州駿東郡大岡庄人。姓星野氏。其父娶於藤氏。生師。幼就其鄉潮音寺薙染。及長。遍

參諸方耆宿。資性穎敏。學該內外。最邃文辭。倦游還鄉。住于沼津蓮光寺。居十餘年。罹疾不差者三年。病中思從前學得底。總無着力。於是憤然發大願。疾少間。遽謝寺務。往參阿州廣照禪師。研磨數年。又從尾州卓洲和尚。終受印記。復還蓮光。雲衲四集。與俱請提唱祖錄。尋應遠州大通寺請。領衆而往。五泱涼燠。又遊信州龍門。久之。特詔賜紫。師已老。腰肢不仁。仍凝然端坐。誨勵無倦。嘉永戊申六月。累罹疾。委頓滋甚。七月朔。乃遺誠諸徒。且作偈曰。七十五年。魔外難窺。翻身端的。電轉星飛。書畢。泊然坐化。師平生慕大

慧風致。故自號妙喜。老明月堂。世壽亦與大慧相。若蓋非偶然也。待人嚴厲。是以弟子升堂者甚少。嗣法獨有伽陵一人而已。

常榮寺性堂和尚傳

師諱慧果。字性堂。別號藏六。又稱曇空。防州小郡人。少受業東福寺鐘山和尚。參見大休月船等。又與諸儒交。刻苦窻內外學。後見天倪。參侍多年。終爲天倪法嗣。接待方來二十五年。時長門荻侯城中有怪。命諸宗并神道鎮之。無驗。後命師。師乃率徒十人。接心禪坐一七日。怪始熄。由此上下歸崇焉。侯請東福寺。

昇師於宗門最上位。師堅辭不受。曰。得領真加帖。足矣。恒甘枯淡。有淨財。則必修殿堂。又以本寺故。修東福諸堂。納選佛塲板聲不斷之資。接待雲衲五六十人。他門來學者亦多。淨土宗純稱始。住伏見誓願寺。參師于東福寺。後夏衣來侍。師住心源院。盛化。東福值佛鑑忌雨安居。接待雲衲八百餘。嘗校定碧巖集。其餘著書數部。而今其板散失。師旣安閑養老。好修補廢院。功成則使人住之。已。則去而他住。文政二年四月三日示寂蓮華寺。世壽七十有九。遺偈曰。橫拈倒用。充塞乾坤。末後一著。電捲雷奔。正當與麼時。下

載清風。付與誰。示衆曰。諸禪德。勿錯行脚之大事。夫佛祖求法。火坑不避。或爲四句。則身受千釘。求半偈。高巖捨命。下至王身。而爲羅刹之床。天衣以爲野干之座。拾薪設食。供給走使等。皆是爲法之明證也。慧果行履膚淺。而無一有可取。然究言所志。則要與佛祖齊肩。所以食麤不待調熟。續氣爲足矣。衣被居處。亦期卒苟。持身爲安矣。且道是圖箇什麼邊之事。唯只專貴初心。先覺知進修之要。而竟至百尺竿頭。更進步而自由。有分故也。仍聊草草地立此三關。以示同志。其一曰。出息從何來。入息何處去。莫錯道自丹

田。了什麼道。端的是此什麼。其二曰。若能如此觀得風霜。則知泥佛不渡水。且道泥佛爲甚不渡水。其三曰。旣知泥佛不渡水。則畫梅頓發馨香。總關曰。宗師箇箇已證法門。爲什麼證龜作鼈。諸禪德旣同住此中。希廻江湖狂瀾之旣倒。勿倣今時之弊。須子細思惟。千佛萬祖。如何住持。十指不沾水。百事不干懷。正好入作之時。何暇談衣食。窺人之長短耶。若少不護口門。致撓亂者。決非同志人。真是外道之徒也。如然者。勿食吾法中食。勿踏吾此法行地。急急退出。一去萬里。取自快。此日共住。明明預報之。記取記取。

建仁寺高峯禪師傳

師諱東峻。號高峯。攝州池田人也。幼而投建仁寺兩足院東陵和尚得度。未幾東陵遷化。因就靈洞院在溪慈穆禪師修學。又就三井顯道和上學教觀。後參性堂和尚。究已事。德望重一時。既而受一家相承血脈。於在溪和尚。住建仁。時年四十二。後又陞南禪寺。先是補五山碩學科。任通韓文書之職。從事鉛槧者久。嘗修釐千光國師所著興禪護國論。著鑿竅二卷。行于世。師賦性溫良。宗機偉淵。常爲衆講教觀。入其門者。嗣堂東緝。則堂通銓。全室慈保等皆高足也。各

住建仁。任碩學。補通韓文書職。師以安永八年化。年六十有六。

常榮寺諦洲和尚傳

師諱至信。字諦洲。豐後濱脇人。年十歲出家。受業崇福寺。篆山爲性堂。辯法嗣。接衆三十餘年。雲衲恆不減百餘人。無歲不應諸方迎請。一社寺官嘗謂師曰。師住持是寺。而常不在。是不寺寺也。何在其爲住持。師曰。吾出家本志。專在濟度衆生。游外其常。豈得坐守一寺乎。官曰。佛子雖固當然。旣住官寺。須爲先候。修追福也。師曰。以吾所爲。則修追福不亦大乎。於是

官亦不堅拒。後兼住大照寺兩回。檀越供養不減。天倪兼住。時云。聖一國師五百五十年忌。雪安居。方來雲衲二千五百餘人。師以真淨和尚命。居前版職。聽衆參請。後住東福五回。值佛鑑祖師六百年忌。提唱臨濟錄。接方來衲子四百五十人。拈香曰。正續伽黎西蜀錦。全機曾向日東傳。悠然一線凌霄路。物換星移六百年。又住南禪。接衆薈荀林。提唱五祖錄。歲旦偈曰。五岳上頭轉法輪。龍淵室內接雲賓。龜齡七十又添五。至祝曇華希有春。嘉永二年七月。卧疾於丹波圓悟寺。其月二十三日。示寂于東福退耕菴。世壽

七十六。茶毘獲舍利無數。徒衆奉舍利歸寺。途中自三田尻港至山口城下。五里間民家。皆焚香涕泣拜迎焉。遺偈曰。東山正續海藏的傳。平生受用全在左邊別別。嚴淨毘尼百五十。戒徒五萬有三千。諸大老江湖諸位。珍重師傳。戒法三十六人。戒徒五萬三千人。師持戒堅固。午後不復食。持身節儉。接人謙讓。一襪二十年。雖垢壞不敢捨。自浣自補焉。法衣外不著絹。冬日不襲衣。不可耐。則以古紙襲之。在衆日。好作典座淨頭。其意專在護惜常住。常語人曰。予行脚日。不著新鞋。路拾破鞋一隻。則待別拾得一隻成雙。

着之。如此蓋二十年矣。七十歲後兼往大照日。一月兩三回歸故山。山川七里。著草鞋徒行。官雖給輿。丁只從後耳。諸方應請。不敢受盛禮。不煩送迎。其應化利生。至死不倦云。

臨濟寺海山和尚傳

師諱宗恪。海山其號。參州渥美郡牟呂庄人。藤氏子。幼有出塵之志。就其鄉真福寺。落髮受具。足戒及長。出遊四方。遍參諸老師。性溫粹。與人無競。以故尤爲諸老所愛。侍濃州圓照禪師數歲。以已事未明。勤勉一夕豁然。打破漆桶。遂受仙芳牧公印記。住于駿州。

臨濟寺數歲。已而退休。又依尾州圓鑑禪師。究明宗旨。蘊奧圓鑑有疾。師代接衆。衆遂推爲盟主。因寄居總見數夏。江湖雲衲。又請移化於城州八幡圓福僧堂。於是衲侶輻湊。京攝間。緇素崇信。與俱施財。闢山間徑路。修補廊廡。宗風之盛。倍前日。天保乙未。詔使師住持法山。師卽詣闕拜恩。咫尺天威。頃之所在。請行法施者數矣。丁酉歲。循序移住法山。時齡過古稀。應接猶無倦。建叢社。功勛增佛祖光輝。當時號爲海內甘露門。弘化丙午夏。得微恙。忽然示寂。世壽七十八。建塔於圓福山後。嘉永元年三月。賜謚佛國妙嚴。

禪師。詔曰。法教弘深而浩浩。佛門廣大以巍巍。雖云無量無邊。當識入微入細。爰妙心開山國師。遙胄宗恪和尚。深徹一乘根源。遍詣五家派脉。宗說通。福慧備。有實有權。提唱玄要。於臨濟叢社。非空非色。顯揚心印。於達磨道場。其道高矣。其德大矣。海山之稱。固足表實。今有馭感。特降褒章。

近世禪林僧寶傳卷之中終



